



Sanaziun dalla Via Camon a Cumpadials Introducziun dalla procedura da perimeter

Sebasond sin la lescha da perimeter dalla vischnaunca da Sumvitg e sin l'ordinaziun davart la planisaziun dil territori pil cantun Grischun ha la suprastanza communal decidu en sia seduta dils 18-09-2023 l'introducziun dalla procedura da perimeter per la suranumnada sanaziun. L'interessenza publica ei vegnida fixada sebasond sin art. 6 al. 2 dalla lescha da perimeter e sil plan general d'avertura traffic per Cumpadials sin 75 %.

Il territori cumpeglia las parcelas

2914	2924	2925	2926	2927	2928	2929	2930	2933
2934	3000	3028	3030	3031	3086	3938	4059	4060
4061	4062	4063	4064	4065	4066	4067	4068	4070
4071	4072	4077	4078	4079	4080	4081	4082	4083
4084	4085	4086	4087	4088	4089	4090	4091	4133
4175	4199	4725	4735	5055	5173	5242	6173	6174
6175	6195	6196	6197	6201	6202			

La cumpart procentuala vid ils cuosts che croda a mintga singul proprietari ei vegnida calculada provisoricamein e communicada ensemen cul conclus da perimeter.

Il plan da perimeter ei exponius ella scaffa d'informaziun avon canzlia communal e sin nossa pagina d'internet www.sumvitg.ch per investa.

Encunter il conclus dall'introducziun dalla procedura da perimeter cun las essenzialias da quel sa vegnir fatg protesta enteifer 30 dis dapi questa publicaziun a scret e motivau tier la suprastanza communal.

Sumvitg, 02-02-2024

Suprastanza communal Sumvitg

REFERENDUM FACULTATIV

La radunonza communal dils 30 da schaner 2024 ha priu denter auter ils suandonts conclus:

- *Tractaziun ed approvaziun dil project reservuar d'aua Chischnès e concessiun dil credit brut da 457'000 francs*
- *Tractaziun ed approvaziun dil project sanaziun dalla Via Camon a Cumpadials e concessiun dil credit brut da 845'000 francs*
- *Tractaziun ed approvaziun dil project da sanaziun dallas lingias per la dismessa d'aua Via Camon e concessiun dil credit brut da 272'000 francs*
- *Tractaziun ed approvaziun dalla nova senda cun punt dalla Greina e concessiun dil credit brut da 250'000 francs*

Sura conclus ein suttoposts al referendum facultativ tenor art. 30 al. 2 dalla constituziun communal. Il termin da tschaffar il referendum terminescha cun datum dils 22-02-2024. Il referendum sa buca vegnir retratgs.

Sumvitg, 02-02-2024

Suprastanza communal

Alarm d'emprova dallas sirenas

Mesjamna, **ils 7 da fevrer 2024** han ils alarms d'emprova liug. Igl alarm general vegn fatgs allas 13.30 ed allas 13.45 uras ed igl alarm d'aua allas 14.15 ed allas 15.00 uras. Nus supplichein Vus da prender enconuschientscha da quella informaziun.

Sumvitg, 02-02-2024

Suprastanza communal

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 02-02-2024

Departament traffic

Meisa da miezdi a Cumpadials

Nadja Scolieri e Team organisescha ensemen culla Pro Senectute Surselva la meisa da miezdi (Mittagstisch) inagada per meins a Cumpadials. Igl intent dalla meisa da gentar ei da promover la cuminonza denter persunas ella vegliadetgna dalla pensiun ella vischnaunca da Sumvitg e contuorn.

Liug: Ustria dalla Staziun, 7176 Cumpadials

Datum: **venderdis, ils 9 da fevrer 2024 allas 12.00.**

Annunzias ein da far entochen mesjamna ils 7 da fevrer tier Ustria dalla Staziun, Telefon 081 943 19 22

Apparats d'udida

Gliendisdis, ils 5 da fevrer 2024 saveis Vus schar schubergiar e rugalar Vies apparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el PUNTREIS, Center da sanadad a Mustér

Dunna Giger dalla firma Amplifon AG e signur Gfeller dalla firma Jäggi Optik & Hörberatung AG surprendan comunablamein quei survetsch gratuit per tuts interessents. Ei drova negina annunzia.